



Inatsisartunut ilaasortaq
Naaja Nathanielsen
-/maani

Inatsisartunut ilaasortap, Naaja Nathanielsenip, Inuit Ataqtigiit § 36, imm. 1 naapertorlugu apeqqutaanut allakkatigut akissut.

Naalakkersuisunut apeqqut Nuummi Dronning Ingridip Napparsimmavissuani Nakorsiartarfimmut kiffartuussinerit, misissuinerit aamma missingersuutit pillugit.

Inatsisartunut ilaasortaq peqqinnissaqarfimmut aningaasaliissutinut tunngatillugu itisilerlugit apeqquteqarmat qutsavigaara.

Ilumoorluinnarpoq Peqqinnissaqarfik tamakkiisumik isigalugu aningaasatigut annertuumik ilungersuuteqarmat, aamma missingersuutit eqqortumik atorneqarnissaat anguniarlugu ullut tamaasa suliniuteqartoqartarpoq, ilutigitillugulu innuttaasut eqqortumik sullineqarnissaat qulakkerniarlugu sulisoqarluni.

Peqqinnissaqarfiup sullissinera nalinginnaasumik aningaasanut inatsisissami aningaasaliissutinik killilerneqartarpoq. Taamaattumik katsorsaanerit, napparsimasut inuunerisa pitsaassusaannut iluaqutaasinnaasut, nalinginnaasumik suliarineqarneq ajorput aningaasaqarniarneq pissutigalugu.

Apeqqutit ima isikkoqarput:

- 1. Kiffartuussinerit sorliit nappaatillu misissorneqartut sorliit Nuummi Nakorsiartarfimmut Dronning Ingridip Napparsimmavissuanut (D.I.H.) akiliutigineqartarpat, qanorlu tamakku akeqartinneqarpat?**
- 2. Ukiuni kingullerni sisamani aningaasatigut missingersuutaasut qaavisigut Nakorsiartarfik aningaasartuuteqartarsimava?**

1) pillugu

Nuummi Nakorsiartarfik Dronning Ingridip Napparsimmavissuani kiffartuussinernut misissorneqartunullu akiliineq ajorpoq. Tamanna aamma najukkani peqqinnissaqarfinnut atuuppoq.

2) pillugu


Nakorsiartarfimmut aningaasaliissutit konto pingaarnemi 34.12.01, Najukkani peqqinnissaqarfiit, nakorsanit sullinneqarnermut ilaatinneqarput. Ilisimatitsissutigineqarsinnaavoq Nakorsiartarfimmut missingersuutit ukiuni kingullerni 4-ni sipporneqarsimanngimmita.

3. juni 2010
Suliap nr. 2010-031686
Dok. Nr. 384656

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Nakorsiartarfimmut missingersuutit akissarsianut aningaasartuutaanerusunik imaqarput, allanut aningaasartuutit annertunerpaat, soorlu illuutiniq ingerlatsinernut, atorfininnermi suliunnaarlunilu angalanernut, inigitinneqarallartartunut il.il konto pingaarneq 34.11.03, Dronning Ingridip Napparsimmavissuanut konto atorlugu akilerneqartarmata. Nakorsaatitut aningaasartuutit konto pingaarneq 34.12.05, Nuna tamakkerlugu nakorsaaserisoqarfimmut konto atorlugu akilerneqartarput.

Inussiarnersumik inuulluaqqusillunga



Agathe Fontain



Nuuk, 21. maj 2010

Inatsisartut Suleriaasianni § 36, imm. 1 naapertorlugu Naalakkersuisunut apeqqutit imaattut matumuuna saqqummiuppakka:
(Inatsisartunut ilaasortaq Naaja Nathanielsen, Inuit Ataqatigiit)

Apeqqutit:

1. Kiffartuussinerit sorliit nappaatillu misissorneqartut sorliit Nuummi Nakorsartarfimmit Dronning Ingrid-ip Napparsimavissuanut (D.I.H.) akiliutigineqartarpat, qanorlu tamakku akeqartinneqarpat?
2. Ukiuni kingullerni sisamani aningaasatigut missingersuutaasut qaavisigut Nakorsartarfik aningaasartuuteqartarsimava?

Tunggavilersuut:

Peqqinnissaqarfik ataatsimut isigalugu annertuutigut aningaasaqarnikkut tatisimaneqartoq kikkunnit tamanit ilisimaneqareerpoq. Ullut tamaasa aningaasatigut missingersuutaareersut qaangernaveersaarlugit annertuumik ilungersortoqarnerata saniatigut inuiatigut pitsaasumik peqqinnissaqarfimmit kiffartuunniarneqarput.

Nuummi Nakorsartarfimmit Dronning Ingrid-ip Napparsimavissuanut napparsimasoq annerusumik misissorneqartussanngortillugu tamanna Nakorsartarfimmit D.I.H.-mut tamatigut akiliisitsisoqqaarnikkut pisarteq paasisimavara.

Taamaalilluni napparsimasup qanoq-issusia pillugu nalilersuisariaqarnerup saniatigut Nakorsartarfiup missingersuutit malillugit aningaasatigut inissisimanagera nakorsap aamma nalilersortartussaavaa. Napparsimasup peqqinnikkut qanoq issusia salluutinneqarunnaarluni aningaasatigut isiginiaqqaagassat salluutinneqalersinnaanerata aamma taamaalilluni aarleqqutigineqarsinnaanngorpoq.

Apeqquteqaatikka aqqutigalugit tamanna Peqqinnissaqarfimmut ajornartorsiutaalersinnaanersoq kiisalu aningaasaliissutit allanngortinneqarnissaannik tamanna tunggavisaqalersitsinersoq paasisaqarfigerusuppara, taamaalillutami aatsaat pinaveersimatissinnaavarput aningaasatigut isiginiaqqaagassat salluutinneqalinnginnerat napparsimasup qanoq issusia tunullinneqalerluni.